

جریدہ علیہ

مشيخت جليله اسلاميه نك جريدہ رسميه سید

۱۰ رجب ۱۳۳۸ و ۳۱ مارت ۱۳۳۶

ولیمه وختان جمعیتلری حقنده داخلیه نظارت جلیله سی طرفندن مقام عالی فتوایه یه وارده اولان تذکره صورتیدر :

طرف عالی جناب مشیختناهی یه

معروض بنده دیرینه لریدر

ولیمه وختان جمعیتلرنده وقوع بولان صرفیات واسرافاتک منعی حقنده بعض اوامر ومطالعائی حاوی شباط ۳۳۶ تاریخی و ۱۳ نومرولو تذکره علیه جناب مشیختناهی لری پیرایه بخش ایدی توقیر اولدی . امر واشعار سامی فتوایه لری وجه ایله ولایات والویه غیر ملحقه یه تعمیماً تبلیغات اجرایی طبیعی اولوب مع هذا خداوندکار ولایتده بعض کویلری زیارت عاجزانه اثناسنده حرب عمومینک تولید ایتدیکی مصائب جمله سندن اوله رق کویلرده تناسک صورت کلیه ده سکتهدار اولدیغنی وهر قریه ده سن ازدواجه کلش خیلی نشانی دلیقانلیلر ایله کنج قیزلر بولندیغنی حالده کویلره قدر تعمیم ایدن بعض عادات مضره سیبیلده دوکون یاییله مامقده بولندیغنی کمال حزن واسف ایله مشاهده ایدم رک بوبابده ولایت مشار الیها کویلرنجه تطبیق ایدمک اوزره کوییلر ایله بالاستشاره اتخاذینی مناسب ومصیب کوردیکم وبالعموم ولایات والویه غیر ملحقه یه کوندردیکم تحریراتک برصورتی منظور عالی شیخ الاسلامیلری اولمق اوزره لغاً تقدیم قلمش اولمغه اولبابده امر و فرمان حضرت من له الامر کدر

داخلیه نظاری

۷ جمادی الاخره ۳۳۸ و ۲۸ شباط ۳۳۶

* *

داخلیه نظارت جلیله سندن بالعموم ولایات والویه غیر ملحقه یه

کوندریلان تحریراتک صورتیدر

بک طبیعی اولدیغنی اوزره کویلری معمور ، کویلولری صرفه ومسعود اولمایان مملکتلرک شهر وقصبه لرنده کوریه بیله جک آثار حضور و عمران ، تملری چوروک بر بناتک بعض اقسامنده کی مزینات ظاهره قیلندندر . وطن ، اولاد وطن ، دینتجه خاطره هر شیدن اول کویلر ، کویلولر کللی ، کویلر اولمازسه ، آچ ، چیلای قاله جهمزی ، کویلولر بولمازسه

وطنك اڪ فداكار ، اڪ تحيب مدافع لرندن محروم قاله جغنی هر كس و علی الخصوص بز ، اداره مأمورلری هیچ اونو تمامی در .

بن شیمدی یه قادار آنا طولیده ، روم ایلیده ، حجازده ، عراقده ، سوریهده حاصلی مملکتتمزك همان هر طرفنده دائماً بو قناعتله ایقای مأموریت و کویلو حیانتك بیتمز ، توکنمز مرادتلری المدن کلدیکی قادار تحقیقه غیرت ایتدم .

رؤساء مأمورین اداره ، یعنی مدیر ، قائممقام ، متصرف ، والی ، کویلولرله بابا ، اوغل کیبی کورشمک و کندیلرینه حکومت مأمورلرینک یالکمز ، ویرکی آلیر ، کندیلرندن باشقه درلو فطرتده بر مخلوق دکل ، بالعکس وظیفه لرینک اڪ مهمی کویلولرک اسباب حضور وسعادتیی استکماله تعلق ایتدیکیکی فعلاً کوسترمک ، کویلولرک خشنودی وامینتی قازانق هر نوع موفقیات اداریه نك اسالاساسی اولدیغنه قناعت ایتمیدرلر .

بو اختلاط پدرانه و خالصانه دن نه بولدم واک زیاده نه کی خصوصات مهمهده استفاده ایدیله بیله جگنی ان شاءالله پیدرپی تبلیغ و ایضاح ایده جکم .

اشته بو قناعت و مقصد ایله اخیراً خداوندکار ولایتده زیارت ایتدیکم کویلرده کی مشاهداتم غی پک زیاده محزون ایتشد . حرب مدید عمومینک حرب ساحه لرنده ایقاع ایتدیکی ضایعات عظیمه جمله جه معلومدرکه قابل احصا و تصویر دکدر . فقط کویلر کورولمه دیکه خاطره کله یں مصائب حربیه دن بری ده کویلرده بش ، آلتی یاشنده کی چو جو قله پک جالب دقت بر صورتده از تصادف ایدلمه سیدر . انواع اضطرابات ایچنده کچن شو درت ، بش سنه ظرفنده تناسلک صورت کیه ده سگته دار اولماسی یوزندن متحصل بو نظر سوز بوشلغک سرعت ممکنه ایله دولدورلمه سی ایچون تکشیر و تعجیل ازدواجدن باشقه برچاره اولمادیغندن بوبادم متعدد کویلرده بالذات تدقیقاتده بولندم . آدیغ معلومه کوره ، هر قریهده الیوم سن ازدواجه کلش خیلی نشانلی دلیقانلیلر وکنج قیزلر بولندینی حالده دوکونلرمزه مسلط اولان عادات مضره نك کویلره قادار تعمم ایتش بولنمه سی نتایجندن اولوق اوزره کوندن کونه تراید ایدن بهالیلقدن دولای دوکون یا پمامقدمه اولدیغنی کمال اسفله آکلایه رق خداوندکار ولایتی کویلرنجه تطبیق ایدلمک اوزره مواد آتیه یی کویلولرله بالذاکره قرارلاشدرمشدم :

۱ — اوکمزده کی مایسک ایلک پنچشنبه کونی خداوندکار ولایتی داخلنده کی کوپلرک کافه سی ایچون «دوکون کونی» اوله جقدر .

۲ — دوکونلرده عشرت و مغایر شرع شریف دیکر شیر قطعاً ممنوعدر .

۳ — اوله نه جک ارکک و قیزک اولیا و اقرباسنه هدایا اعطاسی کی ، تکلفات ممنوع و خلافنده حرکت موجب جزادر .

۴ — مایسک ایلک پنچشنبه کونی عقد نکاح مراسمنه دعوت ایدیلنلره یالکز بر شربت اکرامیله اکتفا ایدیلرک معتاد اولدیی وجه ایله کونلر جه ضیافتلر ویرلمک کی اسرافاندن قطعاً اجتناب اولنه جقدر .

۵ — عدد نفوسه نظراً ، داخل ولایتده هانکی قریه نك دوکونی داها زیاده ایسه والی بالذات اورایه کیده رک عقد نکاح جمعیتنه اشتراک ایده جک و دیکر دوکونلرده ده ولایت ، لوا ، قضا ، ناحیه ارکان مامورینی وعدم کفایتی حالنده اسراف و علماء بملکستن مناسبلری والیه وکالة حاضر بولنه جقدر .

۶ — بو صورتله ازدواج ایدن ذکور واناتک اسم و شهرتلی ولایت غرضه سیله اعلان اولنه جقدر .

۷ — بو ازدواجلرک محصل متمدنی اولمق اوزره ایلک تولد ایدم جک چوجوغک والدمنه والی طرفندن اوزرنده نوزادک اسمی و تاریخ ولادت محکوک بر آتون بیله زیک اهدا قیلنه جق و چوجوغک اسمنک لطفاً و تبرکاً طرف اشرف حضرت خلافتناهیدين انتخاب و اتخاب بویورلمه سی استرحام اولنه جقدر .

مأموریت عاجزانه مک تحویلندن دولای شومقرراتک بالذات تطبیقنه امکان قالماش ایسه ده کیفیت جمله مزک اب مشفق واقوسی اولان ولی نعمت بیتمز پادشاهمز خلیفه رسول الله افندیمر حضرتلرینه بالناسبه شفاهاً لدی العرض تصور و تصمیم واقع لطفاً و عنایة قرین استحسان هایون اولارق یالکز خداوندکار ولایتده دکل ، بالعموم ممالک شاهانه لر نیجه

تطبیق اولتمسی امر و فرمان و بوازد و اجر لدن ولایت داخلند ایلک طوغه جق چوجوق ارکک ایسه نام نامی هایونلرینک وقیز ایسه بویوک کریمه شوکت پناهیلری فاطمه علویه سلطان علیه الشان حضرتلرینک اسم محترم لرینک و هر قریه ده ایلک تولد ایدم جک اطفال ذکوره مخدوم مکرم تاجدار ی محمد ارطغرل افندی حضرتلرینک و ایلک طوغان قیزلر ده کوچوک کریمه عصت و سیمه هایونلری رقیه صبیحه سلطان علیه الشان حضرتلری نامنک اعطاسنه مساعدت سینه خلافتناهی ارزان بویورلمش، ایضاحات مبسوطه دائره سنده معامله یه مسارعت ایدلمه سی خداوندکار ولایتنه تبلیغ اولتمشدر. اوراجه ده امر و فرمان هایون حضرت پادشاهی منطوق منیفنک تمامیه تطبیقنه مسارعتله نتایج حاصله دن پیدر پی معلومات اعطاسی و بوایشک بردائرة رسمیه یه و یا بر مأموره حواله سیله اکتفا ایدلمه یرک بالذات طرف مالیرندن تعقیب اولتمسی خاصه تمنی اولنور.

۴ جمادی الاخره ۳۳۸ ۲۵ شباط ۳۳۶ داخلیه ناظر ی

